



INDLELA ZOKUNAKEKELA LOKUGCINA AMADLELO

Isingeniso

Kuyadingakala ukuba amadlelo anakekelwe ngendlela eziqondileyo esigabeni sinye ngasinye ukuze izifuyo zibelohlonzi njalo zande. Amadlelo agcinwa kuhle ngokufuya imihlobo yezifuyo ehambelana lesimo sesigaba kuthi inani lazo lihambelana lobukhulu bokudla kwazo emadlelweni. Izifuyo kumele ziphathwe ngendlela evuma ukuba izihlahla utshani lokunye okukhula emadlelweni ukuba kungatshabalali kuvumele izinanakazana inyoni lenyamazana eziphila khonapho lazo zingatshabalali.

Amadlelo aphethwe kuhle ahlala emahle mihla yonke elotshani lezihlahla engalazindonga njalo enza indawo ezilamanzi zilondolozeke amanzi amahle abelokutholakala. Lokhu kwenza izifuyo zesigaba zondleke zibelohlonzi njalo zande.


Ukuphazamiseka kwamadlelo

Ukugcina inani lezifuyo elikhukhule kakhulu okwenza ukudla kwezifuyo emadlelweni kudliwe kuphele.

Ukwehluleka ukutshintshatshintsha amadlelo .

Indlela zokulima ezingela kulondoloza umhlabathi lamanzi.

Ukuganyulwa kwezihlahla okungaphi ithuba lokuba ezinye izihlahla zihlume.



Okukhuthazwayo

Banini lolwazi olupheleleyo ngesigaba senu.

- 1 Kuqakathekile ukuba abantu bazi ngobukhulu bokudla bezifuyo emadlelweni. Lokhu kugoqela utshani lezihlahla. Kuqakathekile njalo ukuba isigaba sazi ngemhlobo yotshani lezihlahla ezikhona eziyikudla ezifuyweni..

Yenelisani ukwazi inani lezifuyo ezingafuywa zingalimizanga amadlelo.

- 2 Lokhu kwenzelwa ukuba lazi ukudinga okunye ukudla okwezifuyo ngezikhathi ezifaneleyo. Ulwazi lolu lingalusebenzisa ukuhlela indlela zokuthola ukudla lokhu, kungaba ngokuthengwayo kumbe okulungiswa wmakhaya.

Njengesigaba, hlelani livumelane ngamaqhinga okusetshenziswa kwamadlelo elondolozwa.

- 3 Amaqhinga la atshengisa ukuba izifiso zabantu esigabeni ngokuya zizafezeka njani. Amaqhinga la atshengisa imihlobo yezifuyo esebenzisa amadlelo, inani lazo, izikhathi eziqondileyo zokusetshenziswa kwamadlelo, kanye lemisebenzi okumele yenziwe ukuze amadlelo alondolozwe kumbe asebenze ngcono.

Ulwazi ngamaqhinga okusetshenziswa kwamadlelo esigabeni


- 4 Amaqhinga la kumele aziwe, azwisiswe njalo alandelwe yibo bonke abafuyileyo esigabeni. Kumele kwazakale ukuba kwenziwani, ngasiphi isikhathi, njani njalo ngobani.

Ukuphazamiseka komhlabathi

Ukuphazamiseka komhlabathi yikwehla kwesisindo somhlanathi kukhangelwe ukuvunda lobuhle bomhlabathi lenhlabathi yaphezulu, ubuhle lobunengi bezihlahla, utshani lamakhambi, lokwehla kohlonzi lwezindawo zamanzi ngenxa yezizatho ezithile ezibaliswe ngaphansi.

Okuphazamisa umhlabathi

- **Ukugugudeka komhlabathi:** - kuqala ngokukhukhulwa kwenhlabathi yaphezulu ngamanzi ezulu kumbe ngomoya. Kwehlisa isindo somhlabathi ngokukhipha imvundiso enhlabathini njalo ngemva kwesikhathi umhlabathi uyagebheka ugugudeke.
- **Ukulima ngendlela ezingalondolozisi umhlabathi lamanzi:** - ukulima ngendlela lezi kuyaphazamisa inhlabathi ingabi lokubambana, kubelula ukuba ikhukhuleke ngamanzi kumbe ngomoya.
- **Ukuganyulwa kwezihlahla okwedlulisekileyo** - impande ziyabamba inhlabathi. Nxa izihlahla zesingekho ukukhukhulwa kwenhlabathi kubalula.
- **Ukugcina inyamazana ezinengi okwedlula ukudla okweneliswa ngamadlelo.**
- **Ukutshintsha komkhathi:** - kungaba ngenxa yokutshintsha komkhathi okubisa izikhathi zendlala ezihlala isikhathi eside.
- **Umlilo weganga:** - umlilo uyakhipha izihlahla kubelula ukuba umhlabathi ugugudeke.



Okuzayo nxa umhlabathi usulokuphazamiseka

- **Ukwehla kwemvundiso emhlabathini:** - Inzuzo ekulimeni iyehla ngemva njalo lokudla kwezifuyo okuphuma lapho lakho kuyancipha.
- **Umhlabathi uyoma uqine ube lokudabuka** - isikhukhula zingabonakala sezisibakhona kakhulu.
- **Kungaba lokugugudeka komhlabathi kubelezindonga.**
- Nxa kungabayiskhathi sendlala udubo ebantwini lubakhulu okwedlula lapho umhlabathi usemuhle.
- **Indawo zamanzi ziyoma kumbe zigqibeleke.**
- **Ukuswela lobumpofu:** - nxa umhlabathi ususipha inzuzo ebuya ilokhe incipha, ukuswela lobumpofu ebantwini kungakhuphuka.
- **Ukumemetheka kwezihlahla ezingafunakaliyo** - nxa umhlabathi usuphazamisekile izihlahla ezingafunakaliyo zimemetheka lula. Zilokugulisa lokulimaza izifuyo, njalo ziyavimbela utshani ekuhlumeni.

Ukugugudeka komhlabathi

Lapho okuganyulwa kakhulu izihlahla lalapho okulezifuyo ezidla ukudla emadlelweni kuphele, umhlabathi ulakho ukugugudeka. Kuqala ngokukhukhulwa kwnhlabathi yangaphezulu, kwenze indawo ingamili izinto ezinengi umhlabathi ulandela ngokuwoma ubelokuqewuka. Kungabanjalo nxa izulu lingana, amanzi ayageleza abelogebeha umhlabathi ugugudeke ngokubuya kwesikhathi kubelezindonga.



Izindonga



Ukugejwa kuthathwa inhlabathi.

Abantu labo bangagebha bathathe inhlabathi, umhlabathi uyagugudeka kwehlise ukudla kwezifuyo okungaphuma kuleyo ndawo. Kuthi kunjalo, izifuyo zilakho ukulimala ngokuwela lapho okugejwe khona.

Indawo zamanzi

Endaweni ezinengi, isimo somhlabathi ogombolezele indawo zamanzi sibi, ngenxa yokuhanjelwa kakhulu yizifuyo. Lokhu kwenza indawo zamanzi lezi zigqibeleke ngemva kwesikhathi, ikakhulu nxa indawo lezi zamanzi zingavikelwanga ngendlela ezithile ezinjengokwakha okokubamba itshebetshebe kumbe amagandiwa lokunye.

Okukhuthazwayo

- Hlelani ukusetshenziswa kwamadlelo. Lokhu kwenza amadlelo anakekelwe njalo asetshenziswe kuhle.
- Nanzelelani ukudla okuphuma emadlelweni lisebenze ngokunanzelela ukuba inani lezifuyo zesigaba ziyahambelana lokudla okubakhona. Khuthazani njalo kubelomhuba wokugcina ukudla kwezifuyo okokwengezelela.
- Hlelani imisebenzi okumele yenziwe ukuze amadlelo anakekelwe liyenze. Lokhu kugqela ukuvala izindonga,
- ukuhlanyela utshani lezihlahla ezifunakalayo, ukukhitshwa kwezihlahla ezingafunakaliyo, lokugqibela indawo ezagejwayo leminye imisebenzi eqakathekileyo.



Isiqoqela sokugola itshebetshebe yikusebenzisa into ezithile ezigoqela, amatshe, izikhuni, lezihlahla endaweni okwehle khona ukuze zigole itshebetshebe zivimbe ingangeni endaweni zamanzi.

Izibonelo zokugola itshebetshebe

Isibonelo sezihlahla ezingafunakaliyo



Umayeqela



Ubuhobe buvimba ukuhluma kotshani.

Esinye isibonele lugagu, lona lukhula luvale indawo kubenzima ukuba izifuyo zingene. Kuthi kunjalo kulomkhawuzane, olakho ukugulisa izifuyo nxa ungadliwa. Kumele isigaba sinye ngasinye sibelokunanzelela, zikhitshwe izihlahla zingabonakala kusaseleikhathi zingakamemetheke.

Umlilo weganga

Lo ngumlilo oqhamuka emadlelweni usuke ubemkhulu njalo ubelamandla kakhulu. Uyingozi kakhulu lumlilo. Uyatshisa indawo ezinkulu utshabalalise amadlelo, izifuyo, inyamazana lezinanakazana zeganga, abantu lempahla ikakhulu ungaxhwala.

Mubi umlilo lo ngoba uyatshabalalisa utshani lezihlahla ezithandwa yizifuyo. Kuthi kunjalo umlilo uyatshiya umhlabathi ungasavikelwanga ekukhukhulweni ngenxa yokubulawa kwezihlahla lotshani. Umlilo lo njalo uyabulala intanga zezihlahla kanye lezinanakazana ezincane eziqakathekileyo.

Okukhuthazwayo

- Abalimi bakhuthazwa ukuba babike ngesifiso sabo sokutshisa, kuthi ngemva kwamalanga amabili batshise sebenze amalungiselelo okwenqabela ukumemetheka komlilo ungaxhwali.
- Bikani kwabeAGRITEX, abeEMA, amapholisa, omakhelwane labanye.
- Akuvunyelwa ukutshisa lapho okulemizi kusukela ku-31 *July* kusiya ku-31 *October*.
- Qaphelani. Umlilo yingozi. Centani ama-*fire guard* livimbe ukumemetheka kwemililo. Centani ligolozele amadlelo lamasimu.
- Limukisani isigaba ukuba ngumlandu wabantu ukuba bancedisane bacitshe imililo eqhamukayo ixhwale kusetshenziswa amanzi lengatsha zezihlahla.

Khumbulani

- Amadlelo kumele anakekelwe ukuze ahlale emahle. Hlanganani lenze imisebenzi yonke elondoloza amadlelo. Amadlelo alokuphazamiseka angalungiseka ngokwenza imisebenzi ethile ukuze abe lesisindo esihle. Lokhu kugoqela
- ukwenza amagandiwa, ukuvala izindonga, ukuhlanyela izihlahla lotshani, ukukhipha izihlahla ezilokuphazamisa ezingafunakaliyo, ukusetshenziswa kwamadlelo ngendlela ehlelekileyo ehambelana lenani lezifuyo zesigaba, lemisebenzi evimba ukukhulwa komhlabathi leminyane imisebenzi eqakathekileyo.